



## Universitätsbibliothek Paderborn

**Hydra Prophanarum Novitatum, Sive Descriptio  
Historico-Theologica causarum principalium omnium  
irrepentium Hæreseon ac Schismatum: unàque Generalis  
earundem prophanarum Novitatum confutatio**

**Alexander <a Sancta Theresia>**

**Coloniæ Agrippinæ, 1684**

Caput XII. Peccata populi sunt causa prophanæ novitatis, sive hæreseos.

**urn:nbn:de:hbz:466:1-35361**

440 Hydræ prophan. Novit.

„tum eorum deprehensi ignibus consumpti sunt, contriti sunt: & sic malignantes habita, opportunitate, reliquo regno decesserunt. O Zelum cunctis Principibus commendabilis. Si ea curâ ac severitate in exorientes Novatores Germani inquisivissent ac animadvertisserint, non tam horrendis hæresibus ac cæribus animarum magis quam corporum æstuisse Germania, aliaque Nationes, ad quas è Germania veneni hæreseos disseminatores accurrerunt ac irreperserunt, à nimia Principum lenitatem ac levitate sumptuosa grassandi audaciâ. Hisce autem malis ac periculis sapient Principes, ac Magistratus Catholicarum adhuc Rerum publicarum, & omni sollicitudine Novatoribus in suas Communitates præcludant adiutum, quosque subintrasse deprehenderint, in eos sine dilatione justâ animadvertisserint severitate, ne scintilla hæreseos contempta inextinguibile excitet incendium.

C A P U T. XII.

*Peccata populi sunt causa Prophetae novitatis, sive hæreseos.*

**D**icta usque modò certum ac manifestum reddunt, vitia pravasque hominum inclinationes eos ad Prophanas novitates exegitandas ac disseminandas instigare, adeoque propria Novatorum peccata esse causas hæresum & schismatum: juxta quod prædictus a Cap. I, Propheta Sophonias: (a) Tribulabo homines,

Ergo AMB

& ambulabunt ut caci, quia Domino peccaverunt. Unde & S. Anselmus exponens illud a postoli ad Ephesios, ut non circumferamus omni vento doctrina in inequitia hominum, sic loquitur: In inequitia hominum dixit, quia heresis non est nisi in anima subdita peccatis: quia peccata commissa sunt causa, ut Deus permittat eos errare in baratum heresis. Quod exemplo suo clarè nimis ostenderunt novissimi Hæresiarchæ, qui, cum æstuarent invidiâ, ambitiosâ tumerent avaritiâ, difflurentque voluptate, Ecclesiam, in qua Christi exemplo docetur fraterna charitas, humilitas, sui abnegatio, ac voluptatum contemptio, verbô, arcta salutis via, lacerarunt, ac deseruerunt ob percutitas delicias. Lutheri licentiosam ac voluptuosam reformationem, disformationem dixerim potius, describit in hæc verba Floremundus Remundus. (b) Quemadmodum crocodilus b Lib. 1. durissimis squamis undique munitus non cap. 12. facile nisi ventre nudo & aperto lædi potest, sic Lutherus Corpus Ecclesiæ munitum quam si clypeis, per carnalem in ea partem, tamquam ventrem potissimum impugnare voluitates ad quas omnem suam doctrinam & dogmata direxit: non ignarus naturâ hominem fere à coelibatu, jejunio, pœnitentia, ab negatione sui, bajulatione Crucis ac cæteris, austerae vitæ exercitiis abhorere. Et certè, si cuti Christi Ecclesia est ædificata super Petram duram, laboriosam &c. Ita Lutheri, Ecclesia omnisque ejus doctrina ventri quasi est inædificata: ut in qua gulosi nec Vigilias, nec Quadragesimam, nec ullos dies esuriales, reperturi sunt, nec judicium suum ulli subjicitur cere

442 Hydræ prophan. Novit.

cere seu captivare, nec voluntatem suam resignare coguntur. Quocirca ut suam religionem carnalibus hominibus acceptiorem faceret, jejunia in convivia, cilicia in teneras subuculas, servitutem in libertatem commutandam, & Monachorum Deoque dicaturum Virginum claustra perfringenda sibi putavit: summa suo cuique modo vivendi genioque indulgendi licentia proposita. Licentia, inquam, pessima & infami omnium Hæreson lena & conciliatrice. Hæc enim illa est, quæ Hæresibus portam aperit, viam sternit, & planum facilemque cursum reddit, non vivendi tantum ut velis, sed credendi, etiam quæ velis, libertas. Credamus modo, satis est, clamabat Lutherus de grege porci,

a Tom. 4  
fol. 319.

Et quanto es improbior, tanto es Deo propinquior. O detestabilem doctrinam! quæ omnem reverentiam & cultum Dei convellit, tollit. Hæc Floremundus, quæ cum per apertissima exempla etiam hodie sint, comprobata, supersedeo.

Non solum autem propter propria peccata Novatorum permittit eos Deus decipi, errores Hæresesque disseminare, sed etiam propter peccata populi permittit Deus quandoque ut culpâ suâ exurgant, aut irrumpant falsi doctores, à quibus in Hæresim abducantur: Sic enim comminatur Dominus Impiis Iudeis apud Ezechiem: (b) Fili hominis, viri isti posuerunt immundicias suas in cordibus suis, & scandalum iniquitatis sua statuerunt contra faciem suam. Numquid interrogatus respondebo eis? Propter hoc loquere eis, & dices ad eos: Hac dicit Dominus Deus: Homo, homo de domo Israel, qui

b Ezech.  
cap. x4.

qui posuerit immundicias suas in corde suo, & scandalum iniquitatis sua statuerit contra faciem suam, & venerit ad Prophetam interrogans per eum me: ego Dominus respondebo ei in multitudine immunditarum suarum, ut capiatur domus Israel in corde suo. quo recesserunt a me in cunctis idolis suis. Propterea dic ad domum Israel: Hac dicit Dominus Deus: Convertimini & recedite ab idolis vestris, & ab Universis contaminationibus vestris avertite facies vestras: quia Homo, homo de domo Israel, & de proselytis qui cumque advena fuerit in Israel, si alienatus fuerit a me, & posuerit idola sua in corde suo, & scandalum iniquitatis sua statuerit contra faciem suam, & venerit ad Prophetam, ut interroget per eum me: ego Dominus respondebo ei per me, & ponam faciem meam super hominem illum, & faciam eum in exemplum & in Proverbium, & disperdam eum de medio populi mei, & scietis quia ego Dominus. Et Propheta cum erraverit, & locutus fuerit verbum, ego Dominus decepi Prophetam illum: & extendam manum meam super eum, & delebo eum de medio populi mei Israel: & portabunt iniquitatem suam. Luxuria iniquitatem interrogantis, sic iniquitas Prophetæ erit. Hac ibi. Ex quo Scripturæ loco apercute colligitur populo iniquo propter sua demerita hæreticos doctores a Deo permitti. Quod Germaniæ, Angliæ, aliisque evenit Nationibus, quibus Lutherus ac Calvinus facti sunt falsi Prophetæ & Pseudoapostoli: nam illorum manifesta erant opera carnis, in luxuriis, gula, & crapula, aliisque peccatis, atque ita gloria eorum, qui terrena sapiebant, versa est in confusionem: quare evenisse oportebat quod

444 Hydræ prophan. Novit.

Dominus per Prophetam minatus est, ut juxta iniquitatem interrogantis, iniquitas fuerit  
a *Ioan. 16* Prophetæ falsi & mendacis. (a) quo errore  
aē deceptione non aliā avocandi sunt viā,  
quam illā, quam ostendit Dominus, ut scilicet  
convertantur à viis suis pessimis, & male  
actorum eos pœnitentia, vitamque commutent  
in melius, & tandem si Dominum oraverint,  
Ut veritatem suam eis ostendat, promissio-  
nem suam implebit qua dixit: *Petite & accipie-*  
*zis, pulsate & aperietur vobis.* Amen. Idem mo-  
niti sint Catholici adhuc ex hæreseos peste sul-  
perstites, nimirum ut vitam suam ad Chri-  
stianæ disciplinæ normam studeant compo-  
nere ac conformare, ne peccatis eorum offend-  
sus Dominus, fidei Catholicæ vineam auferat  
ab eis, & det genti facienti fructus ejus, infide-  
lesque servos à circumcursantibus lupis falsis  
inquam Prophetis ac Pseudo-Apostolis inva-  
di finat, morderi ac dilacerari. Quod per suam  
clementiam benignissimus avertat Deus, Pa-  
trocinante ejus misericordissimâ Matre, hæ-  
refum Interemprice, Mariâ, Christianorum  
refugio, meâ, omniumque Carme-  
litarum singularissimâ  
Patrona.

F / I N I S.

